

Mál nr. 253/2017
M og
vátryggingafélagið V v. réttaraðstoðartryggingar fjölskylduþryggingar.

Ágreiningur um gildissvið réttaraðstoðartryggingar vegna málsóknar.

Gögn.

1. Málskot móttakið 1.8.2017 ásamt fylgiskjölum nr. 1-3.
2. Bréf V dags. 4.8.2017. ásamt fylgiskjali.

Málsatvik.

M er með réttaraðstoðartryggingu hjá V og gerir kröfu til að greiðslna úr tryggingunni vegna málsóknar á hendur fyrirverandi eiginmanni sínum. Með þeim komst á samkomulag með svokölluðum skilnaðarsamningi að fjárskipti þeirra væru þannig að honum bæri greiða af námsláni M og greiða viðbótarmeðlög með börnum þeirra. Vegna vanefnda á þeim samningi hefur M stefnt honum fyrir dóm og krefst bóta fyrir réttaraðstoð í tengslum við þá málsókn.

M byggir á því að ágreiningur aðila varði ekki hjónaskilnað heldur vanefndir samnings og ákvæði réttaraðstoðartryggingarinnar sem undanþiggur hvers kyns ágreiningsmál sem upp kunní að koma milli aðila sem verið hafi í hjúskap sé ekki svo víðtækt að það taki til hvers kyns ágreiningsmála sem upp kunní að koma milli aðila sem verið hafi í hjúskap.

V hafnar bótaskyldu og vísar í a.lið 49. gr. vátryggingaskilmála þar sem kveðið er á um það að tryggingin taki ekki til ágreinings, máls eða málsbeiðni sem varðar hjónaskilnað eða mál sem upp kunní að koma í sambandi við hjónaskilnað og segir V að ágreiningurinn sem um ræðir komi upp vegna vanefnda fyrrum eiginmanns M á samningi um fjárskipti vegna skilnaðar og ekki skipti máli þó vanefndir eða ágreiningur komi upp löngu eftir skilnað þar sem ágreiningurinn snúist samt sem áður um efndir á samningi vegna hjónaskilnaðar.

Álit.

Í a lið 49.gr. vátryggingaskilmála tryggingar þeirrar sem hér ræðir um er með skýrum hætti tekið fram að tryggingin taki ekki til ágreinings sem varðar hjónaskilnað eða mál sem upp kunní að koma í sambandi við hjónaskilnað. Þó svo að mál það sem hér um ræðir sé vegna vanefnda á skyldum skv. skilnaðarsamningi hjóna, þá breytir það engu um þá staðreynd að málið varðar ágreining sem kemur upp í sambandi við hjónaskilnað. M á því ekki rétt á bótum úr réttaraðstoðartryggingu fjölskylduþryggingar sinnar hjá V.

Niðurstaða.

M á ekki rétt á bótum úr réttaraðstoðartryggingu fjölskylduþryggingar sinnar hjá V.

Reykjavík 5.9. 2017.

Þóra Hallgrímsdóttir lögfr.

Valgeir Pálsson hrl.

Jón Magnússon hrl.